

წიგნი "ქართლის ცხოვრება"

გაშალე... ყველა ფურცელი
არის ფოლადის ნაცარი,
დამსხვრეულ ხმალთა ჟღერიალი,
დეკაცთა ნამამაცარი.

გაშალე... ყველა ფურცელი
გულზე ნაწოლი ლოდია...
დოღბანდიანი ჯარები
სიკვდილის პირით მოდიან.

შავი დროშებით ნისლივით
სამშობლოს დაეფინება,
ხმაღს სისხლის ორთქლი აუვა,
სიკვდილით დაიკბინება...

საფლავად გაემზადება
ციხე-გალავნის თხრილები, -
ქალი და ბავშვი აწყვია
კოშკიდან გადმოყრილები.

ისმის ტყვეების ჟღივილი.
კვამლში ბლავიან ხარები...
ქერქებგახდილი ხეები...
დამწვარი ნასახლარები...

და რაც თმას ყალყზე აყენებს,
რაც მწარედ გვემახსოვრება, -
ქართლის მკვლელობის ძველ ამბებს
უწოდეს "ქართლის ცხოვრება"!